



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Idem.

urn:nbn:de:hbz:466:1-13589

modi, immo verius desolationem, non sane mentis effecti, vel post perditam iam loquentiam suscepisse A dicantur, nulla super hoc probatio admittatur, cum in nullo sic decedentes debeant propterea releuari. In dubio vero admitti poterit, non tamen uxores, filii, seu familiares, aut de suis aliqui, ad hoc probandum recipiantur in testimonium, sed alii testes idonei, & specialiter fidei zelatores: cum contra tales sit non modicum presumendum: sitque in talibus propter fidei privilegium, cum multa cautela summaque diligentia, præ ceteris negotiis, procedendum. Datum Anagninæ Id. Nouembris. Pontificatus nostri Anno quarto.

I D E M.

Hæreticis, credentibus, fautoribus, receptoribus, & defensoribus ipsorum, redeuntibus ad Ecclesiam, inter cetera iniungi potest sub certa pena pecuniaria, quod fidem Catholicam teneant, nec ulterius hæreticis favorem impendant, & quod mandatis Ecclesie obediant, à quibus cautio exigatur, quod si penam promissam incidant, ad eam solvendam compelli possunt per censuram ecclesiasticam appellatione reiecta, pecunia ex his condemnationibus, vel tertia earum parte exacta, penes tres viros probos asseruetur, ex qua necessaria expensæ Inquisitoribus tribuantur, & expensarum computatio Episcopo exponatur.

Eiusdem tenoris extat alia bulla authentica Alexandri III. quam dedit Anagninæ XII. Kalendas Octobris, Pontificatus sui anno v. eam nos etiam vidimus.

Edita anno Domini 1258.

Ex Archivio conventus S. Francisci de Assisio.

ALXANDER Episcopus servus servorum Dei, dilectis filiis fratribus Ordinis Minorum Inquisitoribus hæreticæ pravitatis in administratione sancti Francisci tam presentibus quam futuris, Salutem & Apostolicam benedictionem.

SUPER extirpatione hæreticæ pravitatis, hoc à vobis in locis in quibus contra hæreticos, vobis inquisitionis officium est commissum, statuimus observandum: ut hæreticis, credentibus, fautoribus, receptoribus, & defensoribus ipsorum, ad mandatum Ecclesie redeuntibus, sub certa pena pecuniaria inter cetera que iniungenda fuerint, iniungatis districte, & fidem Catholicam firmiter teneant, & ulterius hæreticis ipsis auxilium, consilium, vel favorem aliquem non impendant: nec non Ecclesie mandatis obediant, & observent quæ eis feceritis, vel vnus vestrum occasione ipsius hæreticæ pravitatis, & ab eisdem cautio exigatur. Nos autem vobis & singulis vestrum, cogendi per censuram ecclesiasticam appellatione remota, tam redeuntibus ipsos, quam & defensores si oportuerit eorundem, ad præstationem vel solutionem huiusmodi pænæ, ad quam se obligauerint; si quod absit, in dictam pœnam inciderint, plenam concedimus auctoritate presentium facultatem.

Pecunia vero, que de huiusmodi pœnis, vel ex tertia parte multarum, vel condemnationum exigendarum à quibuslibet personis & locis, seu bonorum apprehendorum occasione hæresis, vel hæreticorum, secundum tenorem constitutionum nostrarum (quas in eisdem hæreticos, fautores eorum & alios promulgatas, in capitularibus civitatum, & locorum aliorum conscribi mandavimus) forte pervenerit, penes tres viros fide probatos à vobis, & à diœcesano, vel eiusdem Vicario, si idem præsens non fuerit, eligendos, deponatur fideliter conservanda, & de illa vobis & singulis vestrum necessitate ad prosecutionem negotii contra hæreticos expensæ sine difficultate aliqua de ipsius diœcesani consilio ministrantur, & eidem diœcesano de iis que expendi contigerit, rationis plenarie fidelis computatio exponatur. Datum Anagninæ, Idibus, Nouembr. Pontificatus nostri Anno quarto.

Io. Sal.

De Curia.

I D E M.

Præcipit Episcopis, Abbatibus, & alijs ecclesiarum prælatis, ac rectoribus, & religiosi tam cuiusvis ordinis, quam etiam secularibus, ut efficaciter assistant Inquisitoribus in negotio fidei: exequendo, oportunitate eis consilium, favorem, & auxilium impendendo.

Eiusdem tenoris extat alia bulla Alexandri III. quam dedit etiam Anagninæ Non. Ianuarii, Pontificatus sui anno sexto, quam nos quoque vidimus authenticam.

Edita anno Domini 1258.

Ex Archivio conventus S. Francisci de Assisio.

ALXANDER Episcopus servus servorum Dei, Venerabilibus fratribus, & dilectis filiis, Electis Abbatibus, Priöribus, Ministris, Guardianis, & alijs Ecclesiarum prælatis, & rectoribus, nec non & vniuerso clero, tam religiosi cuiuscumque professionis, & ordinis, quam secularibus, in Ducatu Spoletan. constitutis, Salutem, & Apostolicam benedictionem.

EXORTIS in agro fidei Christianæ per partes Italie abundantius solito hæreticæ pravitatis zizaniam, seminante illa per temporis impacati malitiam homine inimico, Sede Apostolica eius caput fidei & magistra, volens circa zizaniorum extirpationem huiusmodi per aliquos de fratribus ordinis fratrum

Atque minorum, partes sue sollicitudinis adimpleri dilecto filio. Ministro provinciali eiusdem ordinis, in administratione S. Francisci mandavit, ut ipse duos ex fratribus suis viros zelum habentes Christi fidei, & opere ac sermone potentes assumeret, eisque in partibus vestris Inquisitionis officium contra hereticos, eorumque fautores, & complices inibngere procuraret. Nos itaque Christi nomen in populo exaltari gaudentes, ac fidei eius massam ab omni per quod infici valeat, emundari totis affectibus cupientes, vniuersitatem vestram rogamus, monemus, & hortamur attente, per Apostolica vobis scripta mandantes quatenus attendentes prudenter, quod Inquisitores huiusmodi à predicto deputati Ministro pro defensione ipsius fidei & cum salute fidelium laborantes, & periculis personas proprias salubriter exponentes, nequeunt ad omnia, que tanto expediunt negotio sufficere per seipsos, eisdem & aliis, si quos ad hoc ex ipsis fratribus contigerit deputari, in predicto exequendo negotio efficaciter assistatis, opportunum sibi consilium, fauorem, & auxilium impendendo, ita quod exinde vestra fidei sinceritas merito valeat commendari, nec contingat Dei opus periculose per vestram negligentiam, vel intermitteri, quas proculdubio, præter id quod horrendis notaret maculis infamia negligentis vltix omnis inobedientia, ac negligentia Apostolica seueritas acri percelleret disciplina. Datum Anagninæ xij. Kalendas Decembris, Pontificatus nostri Anno quarto.

De Curia her. p.

I D E M.

subet obseruari leges Federici Imperatoris contra hereticos, & eorum complices editas, quas nominatim inserit huic rescripto, quib. pene curia in eos late committitur, et multa Inquisitorib. privilegia conceduntur.

Eisdem inseruit in suo simili rescripto Innocentius Papa III. quod su præ impressum est suo loco.

ALEXANDER Episcopus seruus seruorum Dei, Dilectis filiis Potestatibus, consiliis, & Communitatibus Civitatum aliorumque locorum Italiæ, Salutem & Apostolicam benedictionem.

Edito Anno Domini 1258.

CUM aduersus hæreticam prauitatem quondam Federicus olim Imperator promulgauerit quoddam leges, per quas ne peruagetur compesci poterit pestis illa, nos illas quasi felicitis recordationis Innocentius Papa prædecessor noster obseruari mandant, prout in ipsius litteris contineri perspeximus, volentes ad robur fidei ac salutem fidelium obseruari, vniuersitati vestrae per Apostolica scripta mandamus, quatenus eas, quantum tenores vobis mittimus insertos presentibus faciatis singuli in vestris capitularibus annotari contra hereticos sectæ cuiuslibet, secundum eas exacta diligentia processuri. Alioquin dilectis filiis fratribus Inquisitoribus hereticæ prauitatis ordinis Predicatorum vel Minorum, ac eorum singulis litteris nostris iniungimus vt vos ad id per excommunicationem in personas, & interdictum in terram appellatione remota, compellant.

Ex Archiuo conuentus Sancti Francisci de Assisio.

Tenores autem legum ipsarum hi sunt.

FREDERICVS DEI GRATIA.

Romanorum Imperator, & semper Augustus, Hierusalem & Siciliæ Rex, dilectis Principibus suis, Venerabilibus Archiepiscopis, & Episcopis, aliisque prelati ecclesiarum, Ducibus, Marchionibus Comitibus, Baronibus, Potestatibus, Scultetis, Burgauis, Aduocatis, Iudicibus, Ministerialibus, Officialibus, & omnibus per totum Imperium constitutis, presentes litteras inspecturis fidelibus suis, Gratiã suã, & omne bonum.

Correcta ad athen. exemplar

OMMISSI nobis cælitus cura regiminis Imperialis, cui dante Domino præsidemus, fastidium dignitatis, materialem, quo diuissim à sacerdotio fungimur gladium aduersus hostes fidei, & in exterminium hæreticæ prauitatis exigunt exercendum: vt perfidiæ vipereos filios contra Deum, & Ecclesiam insultantes, tanquam materini vteri corrosores in iudicio & iustitia persequamur: maleficos viuere non passuri, per quorum scientiam seducentem mundus inficitur, & gregi fidelium per oues morbidas grauior infligitur corruptela. Statuimus itaque sancientes, vt hæretici quocumque nomine censeantur, vbicunque per imperium damnati fuerint ab Ecclesia, & seculari iudicio assignati, animaduersione debita puniantur.

Si qui vero de prædictis postquam fuerint deprehensi, terribi metu mortis redire voluerint ad fidei vnitatem, iuxta canonicas sanctiones, ad agendum poenitentiam, in perpetuum carcerem detendantur. Perterea quicumque hæretici reperti fuerint in ciuitatibus, oppidis, seu alijs locis imperij per Inquisitores ab Apostolica Sede datos, & alios orthodoxæ fidei zelatores; hi qui iurisdictionem ibidem habuerint, & ad Inquisitorum & aliorum catholicorum virore in sinuationem, eos capere teneantur: & eos captos